

## NÒTA RESUMIT

### **Nòta resumit deth rapòrt 19/2019, relatiu as eleccions ath Conselh Generau d’Aran der an 2019**

*Barcelona, 22 de gèr de 2020*

Era Sindicatura de Compdes de Catalonha a emetut eth rapòrt 19/2019, relatiu as eleccions ath Conselh Generau d’Aran der an 2019, en compliment deth sòn Programa annau d’activitats.

Eth rapòrt, presentat peth sindic major, Jaume Amat, coma ponent, siguec aprovat peth Plen dera Sindicatura ena sesilha deth 10 de deseme deth 2019.

Er objectiu deth rapòrt ei prononciar-se a prepaus dera regularitat des compdabilitats electoraus presentades pes formacions politiquas qu’an obtengut representacion en Conselh Generau d’Aran e, en cas de remarcar-i irregularitats, prepausar era non adjudicacion o era reduccion dera subvencion electorau.

Aguest rapòrt s’emet en tot tier en compde era norma que regule es subvencions e eth contraròtle dera compdabilitat electorau. Eth Plen dera Sindicatura de Compdes, ena sesilha deth 14 de mai deth 2019, aprovèc era instruccion entà contrarotlar era compdabilitat electorau des eleccions ath Conselh Generau d’Aran deth 26 de mai deth 2019.

Ua revision complèta des despenses e des ingrèssi electoraus des diferents formacions politiquas, objècte deth trabalh, exigirie ua inspeccion de tota era activitat economico-financèra ordinària des formacions politiquas, que non a estat er objècte d’aguest rapòrt, çò qu’a entraïnàt ua limitacion ara portada deth trabalh.

Aran se dividís en sies circoscripcions electoraus que corresponen as sies terçons istorics. Eth Conselh Generau d’Aran ei integrat per tretze membres.

Es resultats des eleccions deth 26 de mai de 2019 an estat es següenti:

#### **Resultats electoraus des eleccions ath Conselh Generau d’Aran deth 26 de mai deth 2019**

Candidatura	Resultats electoraus	Vòts computables	Conselhèrs
Unitat d’Aran – Partit dels Socialistes de Catalunya – Candidatura de Progrés (UA-PSC-CP)	2.527	2.527	9
Convergència Democràtica Aranesa – Partit Nacionalista Aranés (CDA-PNA)	1.523	1.224	4
Aran Amassa	552	-	-
Unidas Podemos	164	-	-
Ciutadans – Partido de la Ciudadanía	116	-	-
Partit Renovador Arties-Garòs (PRAG)	97	-	-
Vòts en blanc e nulli	171	-	-
<b>Totau</b>	<b>5.150</b>	<b>3.751</b>	<b>13</b>

Hònt: Elaboracion pròpria a compdar der Edicte deth 31 de mai deth 2019 deth Conselh Electorau Provincial de Lhèida.

Un viatge revisades es compdabilitats electoraus e es justificatius de despesa fornidi per cada formacion politica, era Sindicatura a verificat eth compliment des limits de despesa fixadi pera norma electorau.

Es montants dera subvencion electorau que deu recéber cada formacion politica son es següenti:

**Subvencions electoraus**

Formacion politica	Subvencion per despenses ordinàries	Subvencion per <i>mailing</i>	Totau subvencion
UA-PSC-CP	4.092,22	-	4.092,22
CDA-PNA	1.877,28	1.414,50	3.291,78
<b>Totau</b>	<b>5.969,50</b>	<b>1.414,50</b>	<b>7.384,00</b>

Impòrts en èuros.

Hònt: Elaboracion pròpria.

En escartat de conclusions deth rapòrt s'a manifestat açò:

- Totes es formacions politiques qu'an era obligacion de hè'c, an presentat era compdabilitat electorau ara Sindicatura de Compdes en tèrme establít.
- Totes es formacions politiques an complít eth limit generau maximau de despesa electorau e es sublimits de publicitat establídi ena norma.
- Cossent damb er objècte e era portada d'aguest rapòrt, era Sindicatura de Compdes pre-pause que non s'aplique cap reduccion o non adjudicacion dera subvencion electorau prevista.

Entà clauar, eth rapòrt includís ua seria d'observacions e ua recomanacion derivada dera inspeccion efectuada.

Aguesta nòta resumit a efèctes simplement informatius.  
Eth rapòrt se pòt consultar en [www.sindicatura.cat](http://www.sindicatura.cat).